

四庫全書存目叢書編纂委員會編

齊魯書社

四庫全書存目叢書

集部
第二七一冊

責任編輯：孫言誠 賀 偉

ISBN 7-5333-0615-5



EB4/01

四庫全書存目叢書·集部二七一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 52.5 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

集部第二七一冊目次

集部·別集類

陸堂文集二十卷詩集十六卷續集六卷(二)

〔清〕陸奎勳撰

天津圖書館復旦大學圖書館藏清乾隆小瀛山閣刻本

唐堂集五十卷補遺二卷續八卷附冬錄一卷

〔清〕黃之雋撰

陝西省圖書館藏清乾隆刻本

陸堂文集二十卷詩集十六

卷續集六卷(二)

〔清〕陸奎勳撰

天津圖書館復旦大學圖書館藏清乾

隆小瀛山閣刻本

附《四庫全書總目·陸堂文集

二十卷詩集十六卷續詩集八

卷《提要

太史陸坡星先生年譜

雄吳越間繼遊京師與楊凝

及余倡和城南有湖西四子之目時皆年少書生

也先生後客維揚專從事於六經凡先儒論說搜

羅剔抉攷其異同而歸於至當自著經解若干卷

行世次也厚餘先鳴余二人至辛丑始捷南宮先

生為史官而余僥得俛失泊癸卯始第先生嘗詣

余邸舍為余說詩知人論世援據史傳如置身殷

周揖讓進退於其間又復按節徐吟一句一字與

琴聲相協應座客踴躍欣服以為聞所未聞蓋不

止匡丞相之解人願也詩以道性情固也試觀六

經之作有一不從性情出以泐天下後世之性情

者乎而詩之為教感人尤速入人尤深雖十五國

之風正變殊矣聖人刪而存之以勸以懲遂與義

文之易堯舜禹湯文武之書春秋經世先王之大

法並垂霄壤邵子曰此聖人之四府也豈非不可

磨滅之性情亘古常新者歟宋人有云詩有別才

非關學也詩有別趣非關理也以律唐宋諸家猶

未盡窺李杜韓蘓之能事揆之崇雅尊經之旨失
之遠矣先生身涉萬里胸羅萬卷其筆墨光燄耀
人心目而溯流窮源皆從經曲學者尤宜津逮也
君家平原文賦云漱六藝之芳潤夫舍六藝以求
芳潤無論其為剪綵之花也即勤日掇拾以成萬
花之谷其於根柢濟用豈有當乎前年先生在西
湖以詩屬余序又命其甥錢子清許速之再三余
學殖荒落心醉先生之經解以為不可幾及至於
詩固未嘗以千里畏人而於先生又不能不退避

蘇東坡集序

二

三舍也其何以序先生之詩哉第念次也已為古
人余與先生同庚同榜少而結契今皆七十矣聊
書此以當一昔之談且以寄厚餘如童子寺竹之
報平安也昔先生叔父閣學公序煜詩以煜字南
陝即取東長生之補笙詩為比亦隱然以經學相
勗至今愧不克副而知已之感未嘗忘也曰序先
生之詩而附識之

雍正十三年乙卯春仲青霞洞天外史柯煜拜撰

陸堂詩前集十六卷同年友柯南陔已為之序詩是吾
家事童而習之年過四十志在說經不復勞神韻語通
籍以後心疾綿延乞病歸里勉強酬應雖窮且老而不
能工可歎也夫辛亥壬子連歲奇荒幸而從事志局得
以餬口且當近古稀此中有以自樂詩覺稍進復為粵
西之遊遇佳山水及奇花異鳥間亦吟哦而難經磴磴
日無暇晷不能如謝客之在永嘉少陵之入西蜀也乙
卯冬月易學輯成與尚書今文說戴禮緒言同付刷氏
寓粵三載倦遊賦歸五經皆已行世詩本可以不作譬
之夏甥秋蛩應候而鳴已爾自丁未閏三月至丁巳閏
九月定為續集六卷從此天假之年隨時可增然亦何
目序

必以多為貴耶或箴于云邇來詩有道學氣得融化之
乃妙予謂韻語中能見大意此正稱詩之家所不易到
未可輕為詆謀也惜南陔為道山游未從質正我言不
勝悵快者久之當湖易窩老人陸奎勳坡星父自序

陸堂詩集目錄

- 第一卷宜樓初葉詩八十三首
- 第二卷萬里遊草詩八十五首
- 第三卷石耕韻語詩一百十首
- 第四卷西笑續草詩八十一首
- 第五卷格致外編詩六十六首
- 第六卷橋西新詠詩一百二首
- 第七卷洛如詩鈔詩九十八首
- 第八卷五石瓠吟詩一百六首
- 第九卷涉江草詩一百五首
- 第十卷覺非小彙詩一百二首
- 第十一卷潛虬草詩九十一首
- 第十二卷識真遊彙詩九十九首
- 第十三卷細草吟詩九十首
- 第十四卷金門小彙詩七十二首
- 第十五卷恭餘草詩七十一首
- 第十六卷希爛草詩七十一首

陸堂詩集第一卷

平湖 陸奎勳 坡墨著
同里 沈 鐔 荻廬校

宜樓初葉

丙辰八月至己巳臘月存詩八十三首

先大夫歸自嶺南以所居湫隘別建宜樓三楹貯書其中顧小年善病雖性喜吟詠不能多讀書以廣學識弱冠後始列子衿旋遭生母憂謝絕人事兀坐宜樓課孤姪載崑載嵩暇則翫味藏書以銷日月嗣是胸中積有卷軸而於漢魏六朝諸詩亦粗識門徑焉

中秋月夜書懷

陸堂詩集 卷一

碧天如練夜初涼金鴨閒薰一炷香翫月忽驚鴻影度學詩偏愛鯉庭長陰晴自昔同千里兵燹何時靖八荒時逆藩亂未平祇恐雙親添白髮宵分重進桂花觴幼作是詩嘉善區才華盛吾家太守賢生兒年十二詞賦自翩翩嗣後體弱多病從祖玉田專課時藝戒勿作詩縱有衝口成者不復存筆矣

二叔父以博學鴻詞改官翰林喜成一律

戡亂敷文德求賢啓制科仙班俄拔擢史局待編摩綠竹呈祥久高王父初任廣德州署中產連理竹黃芝毓秀多已未泰嘉瑞堂後墮地生厚徑尺此改官先兆也一經傳樸學舊里本鳴珂

辛酉八月十四夜喜見月華口占紀事

今宵真見月華圓織女張機也奪妍五色流蘇齊若地三周輪廓欲彌天月當正午輪之西南角忽吐一白光已而紅黃碧綠約有二十餘道下垂至地搖蕩久之繞輪三匝見月并不

見天矣

短歌行六章

乖龍流涎燒燕入海有慾則馴死為脯醢誰云天祿

葆精怡神蒼帝微醉鷄首錫秦元豹居山七日澤霧

彼羊質者逐艸失路頽垣濕壤酣戰觸蠻愚公好勝

將子移山一已上藥可支骨朽千頃澄江不澣心垢

解五 砥詩有鷄譚空有雞生不見日鶴鷗敢唬六

猛虎行

虎當路狐假威虎視何眈眈狐行何綏綏野孫利爪扶

虎之腦虎腦欲空性爆跳野孫自坐枝頭嘯虎今朝戴

冠鋸牙甘人肝虎兮暮戰翼魯夫嗚爾食噫吁嘻白門

陸堂詩集 卷一

樓下遭縛急

騷耳服兮白義驂盍思膠舟沉漢南小人蟲兮君子鶴

獨遊華澤號民寒赤弓徐偃走死于山封造父而爵非

子危哉汧渭馬種繁

諸葛銅鼓歌

石門陡絕烏江奔武鄉廟貌空山存花苗羅鬼警心魂

隆隆銅鼓陰雨聞真曠主人老好事萬錢購得神物至

土花繡碧燐血殷桐魚發聲思志義面徑三尺口微余

形模仿悲嚙南記伏波銘銅作馬式紛紛耳食訛為鑄

馬授傳得駮越 銅鼓鑄為馬式吾聞損益連弩鑿天機木牛流馬撒鬼輪鎮

蠻小術烏足駭出師二表光六虛留侯鄴侯猶却步莫

銅雀硯歌

銅人泣罷銅爵飛漳河恨水流不歸夕陽狐鼠亂成陣

疑塚猶是荒臺非指季豹持姬女分餘香織慕履阿瞞

遺命辱可鄙不及劉郎葬茂陵黃金盈出新豐市鴛央

紫瓦本下材寶作硯石據何理昔令粉頰愁凝眸今遣

錦心格欲死雄文弔古推平原竹籀思鄉黯自憐河橋

兵敗虛鶴唳玉碎何如瓦礫全

黔中

丁卯省試後同諸兄遊冷泉亭喜聞家大人歸自

陸堂詩集 卷一

鷲嶺佳哉聳翠葉小亭幽極響淙潺耽遊敢闕吟筇健

拜慶忻聯舞袖斑廿四年來熊軾滯前守南雄十八年 後任思州六年六千里

外石舟還可能折取東堂桂書卷傳香一破顏

和劉在園使君處州雜言八首 存四

斗樣城連丁樣溪採風試與話陳黎琉田剗土柴官亞

桃隘穿雲劍棧齊谷暖不教埋玉馬囹空那假下金雞

催耕到處堪圖畫紅雨深深荷短犁

祇合拖筇莫挂帆客兒於此鑿香巖春水鍊影渾無熱

秋水論交了不鹹細滴紅槽因種秫新添綠蔭為移杉

女冠范氏如相識指與騰花嫩紫衫

料得吟頤欲斷時驚風泣鬼未云奇夢貽才子雙枝筆

陣却騷人一旅師水活最宜烹月早山深莫遣報春遲
龍宗亦有桃花洞前度劉郎近數誰

鬱林著說舊家風片石新移老桂叢廿載秦關梅吐白
六年鬼國鳥啼紅懷中泣玉輸印父肘後懸金肖乃翁
况有稚恭詒鼓吹盛名應喚小安豐

春淺

春淺暮寒生夢回酒又醒打聽今夜雨敲枕幾人聽飢
鼠無端點孤檠奈爾青半牀書好在吾意薄雲亭

兀坐

夕陽留不住兀坐思依依元著談何易幽琴和者稀噪
風鴉萬點警露鶴孤飛最惜當堦草秋來生意微

陸堂詩集

卷一

四

秋懷

輕絲乍可敵新涼獨向庭隅送夕陽雁較故人難覩面
花同靜女易牽腸俚詞舊欲刪元白綺語今能肖柳黃
銀鴨無煙燈半炮秋宵疑煞六更長

和軼南弟

排闥山如螺子青鶴聲昨夜過華亭香浮石葉銷乾露
夢冷桃笙負濕螢祇許多材成玉海漫憐無相比珠庭
楚騷魯酒長年事入世由來戒獨醒

宋詩夜關松坐添生
句憶微雨樓醉未醒

不用逃名強閉關匡牀疊膝自閒閒淺杯竹葉穿愁墨
粗飯桃花駐好顏月浪慣鋪三五夜賦情多占有無間
嗜奇欲訊東山李那得元真賈白鵬

用家絲二韻寄酬姊夫沈華九

相思不奈疊山遮况復愁緘蕞尾斜嬌烏紅乾猶是客
秋花黃落已無家年光爛漫流如矢親串團樂散若沙
此際煙江橫幅好木蘭艇子亟須拏

窮入宜山一卷詩煎腸我亦淚漣漣寧期附子幃空日
却屬檀郎篔簹冷時李姊惡耗至生
母李猶人已沒蟬雨索教楓染葉蠻煙肯
放柳接絲天涯絕少埋憂地月片同看偃瘦眉

秋日和蒼林禪丈

秋聲不耐聽寒澹葉葉桐陰逗晚涼紈扇暗憐山吐月
瓦盆低趁豆吹香移來紅桂應招隱老去丹螢亦葆光
清濁祇今誰自取好憑漁父問滄浪

陸堂詩集

卷一

五

露冷江鄉夜氣清每從月窟悟虛盈香搖簾額扶疎影
紙弄窗腰浙瀝聲算亦巧於淝水捷學書難似壽陵行
寧知一夕秋添線已遺顛絲鏡裏生

檻外風波總莫論茅堂清絕素書存積禪差近長貧阮
風噓難借善嘯孫沙草半灣鷗鳥宅香風十里稻花村
欲從白社相招處一一為余洗鈍根

哦詩把酒倦還休寒瘦新營百結裘投筆何須誇燕領
攫金那得號龍頭蘆根競吐迴風雪鷹眼斜窺細草秋
剩有素心支許在剡谿谿畔欲拏舟

己巳初度日敦同谷七歌

有客有客號眉州落梧碎竹悲庭秋白魚中乾丹鳥濕

吳鈞三尺鳴牀頭黃金虛市不可入誰甘跛足先驂驅
嗚呼一歌兮黯無色鄧禹笑人長寂寂

素月弄光烏影沒老親槁領髮垂白北堂辛苦絡吳絲
南窗兀冪點周易敗絮徒為兒子慚當關請謝高軒容
嗚呼二歌兮歌莫悲不才容我舞萊衣

有母有母隔夜泉披衣坐起恨綿綿天道禍淫而福善
胡為叫天今茫然及時不作茅容養雞黍空張死後筵
嗚呼三歌兮歌當泣鬼車九首啼雲黑

有師有師好奇服白晝山栖夜水宿醉學劉伶荷鍤埋
狂過阮籍登車哭四七之年野鶴飛歸來揮手何太速
嗚呼四歌兮日泣然一瓣心香爇墓田

陸堂詩集

卷一

六

有兄有兄誇特傑零落邱山悲永訣謝氏封胡皆早年
王門傲獻亦連折輸贏總類戰槐檀而我癡迷守螿穴
嗚呼五歌兮歌倍傷風酸吹雁不成行

有姊有姊遠行役三霜兩暑成枯腊窳甥嬌小復珠沉
濡滯蠻鄉竟何益惆悵檀奴解悼亡柿花淚與棹花積
嗚呼六歌兮歌聲涼魂兮歸來道阻長

篋空鉶罄無贏資舌耕心織聊為之衣食一身如逆旅
妻兒安得免寒飢少成晚達曰有命且勿淚下沾牛衣
嗚呼七歌兮歌且讀燕頷書生飛食肉

擬漢詩四首

蘇屬國別友

孤身託異域頻年阻歸期遙發在茲晨云何慘不怡與
子肺腑交患難矢弗移蹤跡兩浮萍逐水東西馳行者
願已償居者策安施河梁一携手咫尺判夏彝清商情
終曲絲竹有餘悲離情如可釋觴酒復何辭

李都尉從軍

朔風起邊塵天地俱色變今我行萬里餞送勞親串揚
鞭汗血駒穿札大羽箭六師塵阜蘭疾驅若雷電期報
國士知封侯非所羨

酈文勝見志詩

紫芝茁齋宮稱祥亦可喜不如產商山采采屬高士晨
夕堪療飢榮名何取爾爾為王者香百艸罕倫比蕭艾
陸堂詩集

卷一

七

忽當塗苑枯無定理譜之入瑤琴尼父特感此
諸葛武侯侯梁甫吟

古來封禪者七十有二君越哉齊小白妄欲祠亭云霸
功爭尚力王業務修德鸚鵡比目魚所寶豈異物梁父
俄生荆小邱何擅名我思在泰山終古摩天青

擬魏晉詩十首

魏武帝苦寒行

太行何崔巍勢與浮雲齊坂折車輪摧羸馬風中嘶層
冰厚踰尺嚴寒粟生肌裘敝了不温况復愁朝飢行役
多苦辛從軍益可悲高樓有思婦遙夜夢關西凱旋及
春日楊柳色依依

曹思王植美女篇

昔時貯金屋今時賦長門未能保紅顏焉能保主恩王
骨何輕盈解作盤中舞仙裾爭欲留禍水孰敢墜入宮
妒蛾眉不如老空谷著簪傲瑤釵葯房謝丹轂靈氣任
爾占蹇修莫我漬青琴既已張猗蘭悄終曲山中雖無
言揚揚自芳馥

王侍中粲三良詩

古禮不殉葬殆非薄君親國楨恃賢才將以貽子孫秦
穆本令主荒哉末命申三良甘絕吮慘矣重泉魂黃鳥
鳴交交哀怨詎堪聞不及齊田橫從死五百人感激由
義風毋勞語諄諄

陸堂詩集

卷一

八

陳記室琳飲馬長城窟行

長城高高望無極萬年千歲填白骨男兒甘執丈六爻
立功塞外捐微軀焉能縮頸困城築忍飢寒復遭鞭扑
代馬之性亦戀羣長嘶一聲凝愁雲欲寄鄉書淚沾臆
祇恐生妻早去室

嵇中散康秋胡行

詩書乃為榮所益在性情温飽喪志懷安敗名六籍可
漁寸田可耕挹彼夕露餐此秋英歌以言之詩書乃為
榮

阮步兵籍詠懷

涼風起天半俄作秋雨灑鬢髮一星星飛光不可把川

流道自存井渫時方舍末俗競名利誰可與言者不材
樗成陰不祥金躍冷我姑酌香醪彈琴明月下

張司空華雜情

秋老燕辭巢日落雞栖桀羅幃逗月光三五圓又欽網
絲挂虛檐陰蟲鳴切切三歲斷音書九迴腸欲結楚渚
乍騰波秦關俄積雪以妾不移心知君無改節

張黃門協苦雨

一足儻商羊連宵雨不止縱非九年災竊虞三版圯陸
處將為魚乘舟可入市隣突炊絕煙野卉色變紫移牀
長苔衣補籬添柳耳桑中有餓夫道傍多棄子天心亦
渺茫二氣資變理浩歌寫我憂白月挂檐底

陸堂詩集

卷一

九

郭弘農璞遊仙

神龍壽滿萬鶴鹿俱小年秦皇及漢武所好非真仙男
女千百羣入海舟無還桃核何時花金盃出人間故知
萬乘尊不死良獨難我師赤松子升降隨青煙堯舜藉
陶鑄至道探幽元毋徒誇服食方瞳希倖佺

陶徵士潛飲酒

十日九逢晴一雨勢何猛隣叟斷往還舉杯勸孤影一
杯復一杯大道默堪領姬德既已衰羸秦力是逞焚燒
及詩書儒生落坑窞所以明哲人花源關異境遙遙難
問津耕田鑿舊井朝氣想黃農山窗空延頸盃從醉鄉
遊塵事置弗省

擬齊梁詩十首

行路難擬鮑照

行路難太行之高高插天隴頭流水聲激激哀猿日夕啼聞者淚綆縻我車既摧我馬復頽奈何居後不攀前一跌直下千尋淵朔風吹裂肌烹沙持作糜玉關罕見青楊柳去去勿復長相思行路難噫吁嘻

遊東田擬謝朓

平生慕張邴筴組匪思存申章謝塵鞅步屣歸衡門冶城秋雨多鍾阜朝雲昏亭午景開霽悠然憩東園霜中綴橘袖月上驅雞豚獨遊幸飲興與與知己論瑤華堪折贈分義夙所敦

陸堂詩集

卷一

十

江南曲擬梁昭明

江南草長鶯亂飛柳花如雪黏人衣龍頭画舫送將歸送將歸兩持楫妹桃根姊桃葉

烏栖曲二首擬梁簡文

朱絃十九彈清商月規半射羅幃涼枝上烏啼啼正急妾心輾轉百憂集

錦機織就相思字千里玉人音信至金雀銜珠串申雙

紅蟲倒綴蘭花缸

三引擬沈約

五聲倡始中央宮統御四子君道同温良廣大感而通

右宮

中和既備奏清徵纁夏盛大行將止孔多庶績咸就理

右徵

金祗乘兌叶素商承宣奉職理陰陽萬寶告成樂未央

右商

擣衣擬柳惲

斷續閨中夢金微路幾千月沒還持杵霜威早折絲征衫愁帶緩鄉信盼鴻旋空外難傳響含情又隔年

詠早梅擬何遜

并用其韻

禁寒花信杳心賞是官梅相尋野水次恰遇數枝開月明橫瘦影冰解簇重臺韻寄蕭疎笛香傳澗灑杯吟成還獨笑空見冷曹來

陸堂詩集

卷一

十一

小游仙詩十六首

異相生成骨偃胸三仙山隔水重重長房縮地纔經寸尚乞壺公與竹龍

袖裏羅浮蝶一雙兒時採藥渡珠江至今月底修簫譜

半為梅花改舊腔

繡嶺宮開白玉除婆羅門曲獻來初雲容死後無人舞

再莫根尋月姊居

石壁三年字有無王君森森住方壺太清一卷憑誰譯

險作還家項曼都

龜臺阿母躡丹梯聖女仙郎待品題叱石山中先有弟

咒桃籬下不如妻

絳白雙旗導入雲頭銜初拜玉宸君憐他好學人無命
刻苦徒修地下文

暫移家止鳳皇村百歲村翁抱耳孫村在餘杭山
中人多壽祇少紅

霞遮一壑路人未信是桃源

燕燕身輕舞玉盤風迴太液弄波湍留仙裙褶何顏色

欲問成書伶子干

謫墮紅埃十八年談諧剛得幾優旃寄言太乙仙宮令

休把雷車小弄權

長眉鎮作遠峰描尚有閒情坐綺寮唐韻晚來書不了

綵鸞怨否嫁文簫

草衣卧冷白雲窩如此猿啼鶴怨何不悟囊中餐玉說

陸堂詩集 卷一

道人無奈出山多

蠻觸爭酣左右蝸馬蝻百足漫憐蛇獸醜舊已嗤漁父

樽土今還駭女媧

露冷風微月色明許澶如夢復如生瑤池三百青衣女

畢竟飛瓊最有名

勾漏新將赤箭求華陽舊與白雲游詩書為物皆韞鏤

妻子於人亦贅瘤

八公疑秃耳耽耽鴻烈何心秘枕函雞犬祇丹雲際去

獨教叢桂泣淮南

年年望斷橋邊鵲夜夜孤飛月裏蟾辛苦織綃勤擣藥

璇宮法律太森嚴

題金陵萬叟畫幅

落墨蕭疎景似真結廬好在泖湖濱三三兩兩白榆樹

多雨多風不惱人葭屋

浪說鴟夷有富書馬牛牽輓上林岨爾曹半是蝶螂智

那得弘羊不算車車駟

山居次元人虞堪鼓柷葉韻五首

身是逃虛客心如出岫雲故人渺天末理亂不須聞磬

底驚鷗夢林端狎虎羣閒來檢周易施孟任紛紛

藤枝矯若龍扶我踏晴峰通子渾無賴麗妻獨肯從樵

歸林聚雀僧老寺稀鐘縛竹扉斜掩紅埃隔幾重

藥草及時栽野花任意開曳裾空出走掉首急歸來礙

陸堂詩集 卷一

徑芟叢竹鋪茵倩古苔一樽聊取醉皓月與徘徊

閑閑卧老巢綠影暗槐梢野水清宜鑑秋山淡可笑

疑分小陸詩確做寒郊剪韭留親故移文未許嘲

寒崖抱秃樹不奈蠟鞋登鶴訝千尋雪松盟一寸冰土

爐青續續簷瓦白層層餅罄疊將恥猶逢乞食僧

陸堂詩集第一卷終

陸堂詩集第二卷

平湖 陸奎勳 坡星著

門人 黃百穀 穉登校

萬里遊草

庚午三月至辛未三月存詩八十五首

自燕山而閩海復歸故廬舟車跋涉萬里而遙勞

亦甚矣行笈攜書無多又綠筆訓答未暇苦吟

且時方尚宋遂以家放翁為師體格日降并不能

到宋人佳處存此蓋以誌媿云

讌集煙雨樓和雅坪二叔父

我欲鼓柁窮歡妍抱琴入海師成連不爾當從孫登遊

攬身鳳嘯蘇門顛安能局縮比磔蝟拙辭強謝高車闌

陸堂詩集

卷二

一

以此拂劍遠行役雕鏤度去蟲魚編滌湖入春水益落

樓角椒泥久失鮮幾見高僧解淪茗罕聞妙伎能談禪

匝欄差足送遠目放舟與結三過緣乍經社飲翻翠剪

又違寒食炊青煙阮公愛客啓清燕阿咸嗜酒亦泠然

半規月好忽瀉地夜涼風色來無邊轉眼春光能幾何

桃花飄雨柳欲綿因歎宦遊別巧拙薪積何嫌後者前

釋之十歲不一調小車片語官九遷但挾如椽高述作

清標台斗中宵懸諺云附驥日千里緇塵敢惜污羅襪

金龜得解四明老轟騰直向壚頭眠

訓別孫嘯夫

交柯綠愛傍池楠不奈飢驅結兩駮數到花風吹片片

剩惟月浪影三三拂雲鳥半羈銀鏃出水龍多吼石函

憑仗短亭歌折柳相思為爾曲中語

紅杏研膏糝白錫重三節好也纓情謾從新市呼銅梳

聊逐長安鬪玉杵雁尾魚腮應有耗鷺知鷗見了無盟

誰憐一聽蘇門嘯老作廚頭阮步兵

風雨連日舟次錫山

風自闌珊雨自激舉頭幾得見春暉青影柳脚當門護

翠挹山尖到岸微琥珀直須鏡作枕鷓鴣耐可繪為衣

最無慘是孤蓬客燒筍煎茶願總違

寒驢歎

南遊利用舟北走利用車如何乘小衛躑躅行天涯其

陸堂詩集

卷二

二

上烘赤日其下噴黃沙偶爾蹶前足觀者羣笑譁歇鞍

卧草薦意適如還家擘鏡面驚黑憂生徒自嗟

昔我為蒙師硯石費耘耔今我為征夫脩途縮纒緝寒

驢飢益疲蹙躓泥淖裏逝將購神駿追風躡萬里邈兮

築宮人黃金虛古市歸休南山南飯牛而牧豕

希夷隱太華逍遙騎白羸鎮作蟄龍卧意若無江河余

生乏仙骨悅志在巖阿不羨王武子編埒金錢多驢鳴

勝清角所嗜良舛訛席富復膺寵人壽歷幾何下泉倘

入耳弔客聲能摹

羊叔子先人墓

一抹沙痕掩翠峰祇應折臂得侯封我來剩有窮途淚

酒與三羊壠上松

下馬剛逢落照時
淒迷野草卧殘碑
隔生金釧分明在
叔子元為李氏兒

望岱

翠潑征衫分外濃
峻嶒端可壓諸峰
祖龍酷信仙人藥
不把長生問五松

望祀千年黑黍盛
碧霞行殿接瑤清
武皇若少乾封意
底用遺書購馬卿

自鷺莊山行日長道遠無以遣懷轉覺埋骨山尖

者勝余之飄零無定也作感舊六絕句

和尚澹歸

陸堂詩集 卷二

金縷袈裟換鐵冠
吳天都作異鄉看
那知一樹梅花下

却抵雙林証涅槃
庚申於東園示寂

業師亦樵

筇竹橫拖五嶽行
卅年不復問歸程
甕頭死後無贏粟

誰與高人記姓名
時刊邑志未得入高隱傳

從叔仲孫

南村曾共讀書來
劃粥燃柴志肯灰
怪煞亡年三十二

枉將好學並顏回

伯兄茂先

說雪樓頭共舉危
胡然問疾已垂危
人間絕少醫和術
浪說膏肓不可為

四兄膚士

荆花一夜折同根
北牖萱枝那得存
生後復三日料有易名箴
尹在不教長餒若教魂

妹婿柯緯昭

減字偷聲爾獨能
粉姿真抵月波澄
著月波詞可憐不及秦
淮海尚以微官客死藤

道中雜詩

三眠柳眼二眠蠶
荏苒流光綠已酣
喚酒壚邊塵尚染
看山馬上興何堪
此身萍逐鵝莊北
老屋雲遮鷓渚南
絕憶蘇家好昆弟
邈來玉版話同龕

見說長安未易居
鄉心行復戀蓬廬
自來跌蕩羞稱伯

陸堂詩集 卷二

若此周旋懶作余
夸父渴時終棄杖
阿香宿處竟停車

道中從未聞嘗除將一片天
青外花柳煙波總不如

月落游館娃風利
涉揚子栖栖何所為
愛此佳山水

山水不復佳寓情
木與草青多發馬
蘭綠半遮羊棗

鞭梢斜拂小紅橋
茆屋西頭颺酒標
春色可憐何處去

弓腰不見柳條條

踏莎行處路盤巖
顛瀦難支馬口銜
妒殺白溝三尺水

惡風如箭走蒲帆

慈仁寺登毘盧閣
觀變密大士像訪東廊古松僅

存一本生意亦盡悵然而作

蠟我雙筍屐將為攬
勝行仙舟風引去
未由達蓬瀛城

西古招提翠瓦而丹楹月朔開廣場百貨操奇贏硬黃
樂教帖沉綠景山錯薄羅間阿錫明珠雜赤瓊金碧露
光怪觀者眩其精神廟昔御宇塞戶困輸征瓷牀下火
票督責無寬程變幻呈法象跌坐垂垂劫櫻白衣妙莊嚴
萬禩留精英傑閣窈以黑當畫竄颺颺危欄凭曲角四
顧小鳳城渴睡為元老清齋作巨卿飄飄客子裾迨遞
侯門鯖魚口味鮮腴木廠聲琮琤縹緲馬足流水沸
車輪回頭語鶯子欲結寒松盟答云已蛻骨恥逐蕭艾
榮殘照落盧溝紅霞一片明昏鴉棲擇木千羣軋軋鳴
洵美非吾土能無歸興生

外兄張望之之鳳陽同德尹南疑賦贈

陸堂詩集

五

土香紅軟作春嬉花市闌珊到可離剛值我來君又去

白團辜負隔年詩已秋贈行有開紅更指畫堂
路遠我同尋紫尾春之句

柳絮飄風太作狂紫駟嘶去鳳皇岡而今睡穩青油幕

植非何人笑庾郎

端三日賦似周濶岳

蒲人艾虎一番新好節何堪客此身公等定非秦士賤

我生剛值阮家貧愁添蒜髮成詩叟判典荷衣作醉民

偏是天街行不得衝泥過了又吹塵

臺金不到青衫客何用驢車踏薊門無地望梅應抱渴

有時化蝶也銷魂一錢繡澀袂輪廓半刺紅枯蔓尾痕

憑仗故人公謹在打聽涼雨話燈昏

登韻與張孝廉伯始

密叱溜花火樣新那知勾作鳳城身矜賤不怪東陽瘦

南賦南賦插架翻愁玉局貧寓中無書日從
明史館借閱但使藜牀供老坐儘教

紙版署閒民何緣得咏荷錢句漱齒香於瑟瑟塵來詩荷
葉如錢

著雨新才
天放作開身

僕病已忘身是客費君三度履登門來詩性癖只思弄好
友關人屢却問喜逢

天半蒸雲族懶向山坳咒日魂幽韻比蘭差有骨淡交

如水欲無痕而今學把菜蒿護不怕紅埃刺眼昏

京邸雜詠四首

鞭陀羅

木徑寸銳厥底揮短鞭旋不止軍中戲蹴鞠似捷如風

陸堂詩集

卷二

六

大腹子

放空鐘

竹筒短短開風門胡繩曳之獨足奔牛鳴土窖宮聲存

我為兒童發孤笑好與土鼓賡同調廣場箏瑟紛取鬧

響竹

赤頭蠅性穢鄙從何來遽集此揮塵非時宜拔劍太猛

武竹絲聲聽脆快若洒秋雨

渾酒焦包

酒母渾包子焦叫五更聲嘈嘈或云清者不如濁三閩

悲愁漁父樂焦頭爛額為上賓底用曲突謀徒薪

出都四絕句

為憶吳淞雉尾尊結裝一任火雲屯詩材酒態都消盡
四十八朝花市人

謠詠如何到得吾祇緣生小識之無居難怪絕長安市
不獨飢來米是珠

鶴歸不遣山無唳魚去從教浪有鱗似我賃居椿樹口
開紅夢破一番春

桃花馬小步遲遲歸路三千二百奇盼得一行青綠柳
折來全不當鞭絲

車中遇雨

棗葉枝頭少女風俄然雨集響瀧瀧竹雞苦喚泥真滑
鐵欄橫行步未工那得話於殘燭夜却如聽在野航中

陸掌書集

卷二

七

爽心幸有峰千朵濕翠明朝更不同

歸途雜詠

一鞭又拂都亭外客况無如我獨閒煙逐雨飛昏似夜
葉隨雲布巧於山忍看復爾垂楊老幸不遲他落雁還
從此朗吟招隱句古香吹滿屋三間

只傍春場住五旬春歸容我作歸人支留酒券何妨負
點檢詩囊獨不貧波面白開魚尾鏡草芽綠襯馬蹄茵
日長似歲渾無遣誰信天涯即比鄰

乍停車子近黃昏喔喔雞聲又出門遠樹籠煙稀見葉
圓蟾印水尚留痕酒鎗死不歸徐邈邱壑生宜置謝鯤
重認江南遊歷處春梁打麥漸成村

縹緲行舟未是危楸枰網帙鎮相隨水能解意多南下
風故欺人只倒吹陶侃尚然縫葛袖周顛久矣別山茨
三千里外頻來去得不秋容染鬚絲

瓜步守風

三板船輕破開灣風波不敢弄潺湲天教此夕留江北
卧看斜陽紅過山

仙霞嶺

三百六級廿四盤仙霞天險窮躋攀暮雲直犯牛女舍
曉翠橫截大小竿雨花亭子面佛閣怪松惡竹成奇觀
客眸應接頗不暇山腰屹立雙雄關前健兒逞身手
箭落餓臍兔逐狗此輩豢養不益國樹德務滋險何有

陸掌書集

卷二

八

夜郎自大終褻黷尉陀樓罵旋繫首釣龍臺草今青青
誰遣無諸白骨朽

黯黹灘

閩南灘五百涉此險尤多忽濺眉間雪重騰水底梭乾
坤何偏側忠信亦風波不盡思親淚歸雲冷舊窩

烏石山登高東徐行人章仲

粉墨天然肖米山蠟鞋我與未全刪長貧那肯號車下
小異何緣識座間纖月吐眉嬌似柳寒蟬斂翼薄于鬚
誰期柳上思尊者猶占閩江一响聞

秋風容易損吟腰懶去梳翎撲紫霄緘口正如生石闕
轉腸不異落江潮姜衾菜袖頻年失北軫南棘萬里遙